

D. O. M.
T H E S E S
EX UNIVERSA MEDICINA
PUBLICIS AGITANDÆ DISPUTATIONIBUS
INSCHOLIS MEDICORUM
ACADEMIÆ CADOMENSIS,
PRO DOCTORIS AGGREGATI MUNERE
CONSEQUENDO.

M. PETRO ANGO, Professore Regio, Præside.



CADOMI,
Ex Typis ANTONII CAVELIER, Regis, & Universitatis
Typographi.

THE
2 1 2 1 1 1
THE

THE

THE

THE

THE



T H E S E S

EX UNIVERSA MEDICINA:

EX PHYSIOLOGIA.



MEDICINA à medendo sic dicta definitur ars ab observatione nata, circa res naturales, non naturales & contra naturam occupata; quæ præsertim sanitatem conservare & amissam restituere docet. Quinque sunt Medicinæ partes, quarum prima est Physiologia, quæ naturam & functiones hominis sani spectat. Duo corporis humani elementa, fibra & humor. Fibrae proprietas, tensio & laxitas; humoris, tenuitas & crassities: ex variâ fibrarum & humorum dispositione, varium deducitur temperamentum. Corporis actiones vel sunt naturales, vel animales. Inter animales, quæ scilicet partim à corpore, partim ab animâ pendent, censentur motus & sensus. Motus musculorum, sensus nervorum ope perficitur. Naturales sunt illæ, quæ sunt juxta naturalem corporis constitutionem. Alimenta in ore præparata per œsophagum in ventriculum delabuntur. Ventriculus autem, præcipua chyloleos officina, est pars infimi ventris oblonga, continendis, digerendisque cibis destinata. Digestio pendet partim à motu ventriculi, partim à liquore gastrico, partim à tepido viscerum adjacentium calore. Chylus sanguini commiscetur in subclaviâ venâ. Sanguificatio præcipuè fit in pulmonibus, primario respirationis organo. Duæ sunt respirationis partes, inspiratio

tio & exspiratio. Inspiratione thorax elevatur, expiratione deprimitur. Cor verus est musculus. Sanguinem à centro ad partes propellit. Variâ celeritate sanguis circumagitur non tantum in variis hominibus, sed etiam in variis ejusdem hominis partibus. Per sanguinem intelligitur ipsa massa sanguinea, qualis existit in vasis. In hac considerantur tres partes, serum, purpura, & gelatina. Gelatina verus est succus nutritius. Varii à sanguine secernuntur humores & excernuntur: alii utiles, ut lac, bilis, succus pancreaticus, &c. Alii inutiles, ut urina, sudor, &c. Singulis mensibus mulier sanguinis excretionem per uterum ejusque cervicem patitur. Neque lunæ, neque fermento, sed soli plethoræ hujus periodicæ vacationis causa tribuenda est. In utero fœtus nutritur, crescit. In hoc ergastulo per novem menses detinetur, donec matris, proprioque nisu foras erumpat.

EX PATHOLOGIA.

IN Pathologiâ consideratur corpus præter naturam se habens, & in morboſo statu constitutum. Hujus statûs ratione tria spectanda occurrunt; morbus, causa morbi, & symptomata. Morbus definiri solet affectus contra naturam corporis viventis functiones lædens manifestè, primò, & per se. Morbum necessariò sequitur ætiologia. Functio partium vel Idiopathicè vel Sympathicè læditur. Tripliciter consentiunt partes. 1^o. Ob partium societatem & connectionem. 2^o. Ob partium situm. 3^o. Ob partium robar. Duplex morborum genus admittitur: aliud solidarum, aliud fluidarum partium. Quadruplici modo viciantur partes solidæ, nempe in conformatione, magnitudine, numero & conjunctione. Partes fluidæ tripliciter peccant, in quantitate auctâ aut imminutâ, in qualitate, & in motu. Plus æquo major quantitas vasa comprimit, eaque nimium distendit, unde pendent oscillationum interrupta opera, unde nulla peragitur secretio, & excretio. Nimium dissoluti humores non satis resistunt solidorum impetui, nimis coherentes motum circulem obice suo interturbant. Major aut minor motus symptomata producit cæteris non leviora. Omnis morbus quatuor temporibus circumscribitur, quæ principium, augmentum, status & declinatio. Qui hæc breviter percurrit, brevis: qui lentè, chronicus dicitur. Qui brevi temporis spatio finitur, & gravioribus stipatur symptomatis, acutus vocatur morbus, Causamorbi est

res, quæ corpus adeo immutat, ut idem de optimo ac pristino statu detur-
bet. Hæc vel interna est, vel externa, vel continens. Interna est ea, quæ in-
tra corpus nostrum latet: externa & necessaria nos necessario afficit; hanc
nullo modo vitare possumus, talis est aer, cibis & potus, animi pathemata,
&c. Continens dicitur, quæ in corpore morbo proximè adhæret, eumque
fovet, hæc sublata tollitur morbus. Symptoma est affectus præter natu-
ram, qui morbum sequitur ut effectus suam causam. Solida laceffita &
affecta, morbus; fluidum immutatum, & laceffens, morborum causas;
solidorum functiones læte, symptomata.

EX SEMELOTICE.

SEMELOTICE à verbo Græco *σημαίνω* de signis agit. Signum
definitur quicquid sensibus obviū, & notum, aliud obscurum & re-
conditum significat. Triplicis generis sunt signa: vel enim præteritani
corporis constitutionem declarant, & anamnistica: vel præsentem morbi
statum indicant, & diagnostica: vel denique futurum prænunciant, & pro-
gnostica dicuntur. Quantum intersit Medico præteritum & præsentem
morbi statum cognoscere, aptè explicat Hippocrates lib. de affectibus, tit.
36. ubi sic habet. *Cum ad agrum de veneris, interrogare oportet quæ patia-
tur, & ex quâ causâ, & quot jam diebus, & an venter secedat, & quo
visu utatur.* Diagnostica signa, alia Pathognomonica, quæ morbum sem-
per comitantur, cum eodem incipiunt ac desinunt; pro morbi magnitu-
dine augentur ac minuuntur. E Diagnosticiis alia partem affectam, alia
morbi speciem, alia ejus causam indicant. Ut rectam prognosim instituat
Medicus, morbi vehementiam cum ægrotantis viribus conferre debet: si
morbi magnitudo ægri vires superat, mors; si verò hæc morbo sint supe-
riores, salus turè prædici potest. Signa prognostica triplicis sunt generis,
alia coctionis vel cruditatis, alia salutis vel mortis, alia denique critica.
Quæ omnia petuntur è triplici corporis regione. Ad actiones animales
somnia & vigilia referuntur. Ab illis non parva salutis aut mortis desu-
muntur indicia. De somno sic Hippocrates. *Εν δ' νοσήματι ἵπνους πένον
ποτὶ, γανάσιμον. ἢ δὲ ἀφελὴν, ἢ γανάσιμον.* Pulsus & respiratio
ad actiones vitales pertinent. Pulsus virium index est certissimus. Pul-

sus magnus ille est, in quo arteria multum pulsât in longum, latum & & profundum; parvus è contra: hic virium imbecillitatem, ille constantiam arguit. Validus pulsus tangentis digitum validè, debilis languidè ferit. Pulsus frequens, frequenter; rarus, rarè micat. Bona est respiratio, cum fit qualis fieri debet secundùm naturam; mala, cùm à naturali statu recedit. Hæc magna est vel parva, velox vel tarda, frequens vel rara, æqualis vel inæqualis. Signa ad alvinam regionem spectantia, præcipua sunt vomitus, excrementa, & urinæ. Urinis nimium ne crede, ut plurimum enim fallaces sunt. Plurima etiam signa è toto corporis habitu petuntur Medicis non negligenda.

EX HYGIEINE.

HYGIEINE tuendæ sanitati invigilat rerum non naturalium usu. Sex vulgò numerantur, ær, cibus & potus, motus & quies, somnus & vigilia, excreta & retenta, animi pathemata Triplici modo ær agit in corpus humanum, ut ambiens & circumfusus, ut alimentis immixtus, ut & inspiratus. Mirum, quanta præster in corpore triplici illo modo spectatus! ille ær salubris intelligitur, qui perus est. Cibus assumitur, ut refarciantur damna, quæ ex evacuationibus naturalibus consequuntur. Cibus ille optimus, qui faciliè coquitur, nutrit plurimum, non faciliè corrumpitur, aut pravam indolem induit, & pauca relinquit excrementa. Quò simpliciora alimenta, eò salubriora. Sanitatem tuetur quisquis auream in cibo & potu servat mediocritatem. Natura & ars animantibus potum paravere diversi generis. Paratus à naturâ, sola est aqua; ab arte sunt præsertim vinum, cerevisia, & pomaceum. Ars quoque multiplices invenit liquores, ad voluptatem potius quàm ad utilitatem excoctos, quibus torrentur viscera, nervi resolvuntur, & plurimorum morborum genera accersuntur. Quilibet ista omnia, si sapiat, vitet: simplicibus vivat, & vigeat corpus. Alternis gaudent vicibus motus & quies. Sint moderata exercitia. Temporis, in exercitatione corporis, maxime habenda est ratio: neque enim impune fas est quolibet tempore exercere corpus. Commodius ante prandium & carnem exercetur; assumpto cibo, quiescere expedit. Somno vires reficiuntur, spiritus laboribus dissipati instaurantur, calor benignus conciliatur: inde corpus fit vegetius,

colluntur curæ, fovetur insensibilis transpiratio. Cave tamen, ne immoderatus sit: hōc etenim torpidi sunt spiritus, quin mens ipsa hebescit. Moderatæ quoque sint vigilæ. Hæ spiritus & sensus excitant: immoderatæ eosdem absumunt, corpus emaciant, pluresque morbos præcipuè chronicos inferunt. Pullulant tanquam ex uberi scaturigine morborum facies innumeræ, ex eo quod quæ excerni debeant, retineantur; quæ retineri, excernantur. Quas non edit strages cutis exspiratio, si cohibeatur aëris inclementia? quos non movet tumultus muliebris naturæ tributum? si quamvis ob causam singulo mense non pendatur. In medio sanitas. Quin & ipsa venus medio gaudet. Nimia venus calorem perimit, debilitat corpus, cumulat cruditates, lædit nervos, generat arthritidem, paralyssim sensuum & mentis torporem inducit. Lata venire venus, tristis abire solêt.

EX THERAPEUTICE.

THERAPEUTICE dicitur ea Medicinæ pars, quæ medendi, seu morbos depellendi methodum præscribit. Methodus illa nihil aliud est, quàm rationalis via, quâ Medicus in morborum curatione debet incedere. Per viam illam ducunt indicationes, quæ prima sunt praxeos fundamenta. Indicatio definitur à Galeno, agendorum insinuatio. Qui indicationes sequitur, is præstantior habetur Medicus, morbosque citò, tutò, & jucundè curat. Indicationum varietas magnam aliquando parit difficultatem; quam ut tollas, sequentia in animum inducas axiomata. Cum æqualiter urgent vitalis indicatio & alia quælibet, vitali satisfaciendum. Ubi non est eadem vis indicationum, urgentiori serviendum. A juvantibus & lædentibus indicatio habetur optima. In maximis morbis magna & citò adhibenda remedia, in mitioribus verò sensim & repetendo lenia adhibenda sunt. Remedia ad depellendos morbos necessaria desumuntur ex Diætâ, Chirurgiâ, & Pharmaciâ. Diætæ rerum non naturalium, varium pro vario ægrotantium statu, pro varietate circumstantiarum, usum edocet. Qui legitimam alimentorum præscribendorum rationem noverit, morbos cæteris incurabiles feliciter ac tutò valet debellare. Initiò morbi plus cibi, modo non adsit plethora, exhibere oportet, at procedente cōtione, eunteque in judicationem mor-

bo, sensim de cibo detrahere oportet, eâ proportionem, quâ morbi ipsius duratio contrahitur. Inter varias Chirurgiæ operationes primum obtinet locum phlebotomia. Hæc cunctis evacuantibus, humano generi præstat facilitate operis, *toleratu, securitate, & temporis antiquitate*. Triplex est phlebotomiæ effectus, evacuatio, revulsio & derivatio. Hæc non sunt inania nomina. Detrahitur sanguis, cum inutilis est; dupliciter autem inutilis, cum aut quantitate, aut qualitate peccat: hinc pueris æque ac senibus mitti potest, cum in iis abundat aut vitiosus est. Mirum quomodo tantus adhuc occurrat hæmophoborum numerus! Pharmacia medicamenta proponit ex tribus regnis, animali, vegetabili, & minerali desumpta. Alterantia sunt & evacuantia. Illa humores pravos corrigunt, emendant, hæc redundantes evacuant. Utraque quod simpliciora, eò meliora. Multiplex est evacuatio: per superiora evacuant emetica, errhina, &c. per inferiora, diuretica, &c. per corporis ambitum diaphoretica, &c. Cum adsunt nausea, vomituritiones in principio morbi, emeticum propina; cave tamen, nulla adsit inflammationis suspicio. Caterum in remediorum usu illud cum Epiphannio Ferdinando inviolabili lege observemus, ut quandoque à remediis abstinamus: nam interdum remedium est nullum adhibere remedium: hinc rectè Borellus, *Medicus non minus est, qui remedia ægris admove, quam qui utiliter amove, scit.*

Has suas Theses proponebat ALEXANDER LUDOVICUS BELJAMBE
DE LONGUEVAIS, Cadomens, *Licentiatius Medicus.*

Fortuitam deinde Aphorismi Hippocratis explicationem habebit.

die Sabbathi 18. Januarii, A. R. S. H. M. DCCXXI.
à prima ad vespertinam.

1028